



Ilaasortassanik innersuussisinnaatitaasunut

## Meeqqanut Siunnersuisoqatigiinni ilaasortassanik innersuussinissaq

05-10-2015  
Sags nr. 2015 - 6996  
Dok. nr. 1029626

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: [inin@nanoq.gl](mailto:inin@nanoq.gl)  
[www.naalakkersuisut.gl](http://www.naalakkersuisut.gl)

Matumuuna Ilaqutariinnermut, Naligiissitaanermut Isumaginninnermullu Naalakkersuisoqarfik sinnerlugu piffissami 2015 – 2018 Meeqqat Siunnersuisoqatigiiffianni ilaasortassanik innersuussaqaqqullusi qinnuigissavassi. Tassami innersuussisinnaatitaavusi tamannalu toqqammavigalugu inummik ataatsimik arlalinnilluunniit innersuussaqaarsinnaatitaallusi.

Naalakkersuisut nammineerlutik Meeqqanut Siunnersuisoqatigiinni ilaasortassat 3-nik soqutigisaqaqatigiiffiit, peqatigiiffiit il.il. innersuussaqaarnerat toqqammavigalugu meeqqat atugarisaat pillugit sullissisunik toqqaasusaapput. Tamatuma saniatigut Meeqqanut Siunnersuisoqatigiiffiannut ilaasortassanik 3-nik, pisortat namminersortullu meeqqanut sullissiviinit innersuussutigineqartut akornanni toqqaasusaassallutik.<sup>1</sup>

Toqqaanissat pissapput kikkut innersuussuteqarsinnaanerat pillugu allattuiffimmit siusinnerusukku Naalakkersuisunit akuersissutigineqarsimasumit<sup>2</sup>. Meeqqanut Siunnersuisoqatigiit pilersinniarnannut atatillugu anguniarneqarpoq qulakkeerniarneqarlunilu, pineqartut meeqqat peroriartortarnerannut, atuarnannut, kulturikkut sunngiffimmilu inuuneqarnerannut, meeqqat peqqissusaannut, meeqqat pisinnaatitaaffiinit aammalu meeqqat immikkuullarissunik pisariaqartitsisut pillugit ilisimaarinnittunik toqqaasoaqartarnissaa. Tamatuma saniatigut nunatsinni sumiiffinit assigiinngitsunit sinnisuutitaqartoqarnissaa anguniarneqartussaalluni.

Ilaasortassanik innersuussuteqarsinnaatitaasut [naalakkersuisut.gl](http://naalakkersuisut.gl)-itigut tamakkiisumik saqqummersinneqarsimavoq, ilanngussatullu nassiunneqarluni.

Ilaasortassanik innersuussuteqarsinnaatitaasut ilaasortassatut imaluunniit ilaasortassatut piukkussassinnik innersuussutitaqarsinnaatitaavusi. Sapinngisamik suaassutti-tigut assigiinngitsunik innersuussaqaarniarsarissaasi. Innersuunneqartussat pi-umasaqaatinut naamassinnissinnaagunik, piumasaqaatit makku naamassineqarsimal-lutillu tunngavilersorneqarsimassapput:

- Innersuunniarneqartoq 18-nik ukioqalereersimassaaq.
- Innersuunneqartoq meeqqat peroriartortarnerat pillugit ilisimasaqartuussaaq, meeqqat atuartaanerannut, meeqqat kulturikkut sunngiffimmilu inuunerannut, meeqqat peqqissusaasigut, meeqqat pisinnaatitaaffisigut imaluunniit meeqqat immikkut pisariaqartitsisut pillugit ilisimaarinnittuussalluni.

<sup>1</sup> Meeqqat Illersuisuat Meeqqallu Siunnersuisoqatigiiffiat pillugit Inatsisartut inatsisaanni nr. 11, 22. november 2011, tak. § 6, imm. 1 aamma 3.

<sup>2</sup> Meeqqat Siunnersuisoqatigiiffianni ilaasortassanik inassuteqarsinnaasut pillugit Namminersortulluk Oqartus-sat nalunaarutaat nr. 11, 30. juli 2012, tak. § 3.

Tamatuma saniatigut innersuussat pillugit immersugassaq makkuningga paasissutis-sartaqartoq nassiunneqassaaq:

- Innersuussutigineqartut pillugit paasissutissat (atii, najugaqarfii, oqaras.nr-i, e-mail il.il.)
- Innersuussuteqartut pillugit paasissutissat (peqatigiiffik/kattuffik, suliffeqarfik/oqartussat il.il.)
- Ilinniagaq, massakkullu atorfik
- Siusinnerusukkut attuumassuteqartuni sulisimanermit misilittakkat
- Tunngavilersuutaasinnaasut misilittakkallu allat
- Suut meeqqat siunnersuisoqatigiiffianni ilaasortaarusunnermut tunngavilersuutaanersut.

Innersuussutigineqassaaq ilaasortassatut inassutiginiarneqartut nunatsinni sumiiffinnit assigiinngitsunit assigiinngitsunillu misilittagaqartut inassutiginiarneqarumaartut.

Ilaasortassatut innersuussutigineqartut Ilaqutariinnermut, Naligiissitaanermit Isumaginninnermullu Naalakkersuisoqarfimmut kingusinnerpaamik 26. oktober 2015 nal. 12.00 allakkatigut email-ikkulluunniit nassiunneqareersimassapput.

Ilaqutariinnermut, Naligiissitaanermit Isumaginninnermullu Naalakkersuisoqarfik  
Postbox 260  
3900 Nuuk  
[inin@nanoq.gl](mailto:inin@nanoq.gl)

Allakkiaq imal. email-i nalunaaqutserneqassaaq: "Meeqqat Siunnersuisooqatigiiffianni ilaasortassamik" innersuussineq.

Inussiarnersumik inuulluaqqusillunga

Helle Hansen  
Fuldmægtigi  
Inatsisilerinnermut immikk.

Ilanngussaq:

- Inatsisimit tigulaagaq - sinnera ugguuna takusinn. [www.lovgivning.gl](http://www.lovgivning.gl)
- Innersuussinissamut immersugassaq – inassutigineqartut tamarmik immikkut immersuissunneqassapput
- Inassuteqarsinnaasut kikkuunerinik takussutissaq

Tigulaagaq:

## **Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. november 2011-meersoq**

§ 6. Kattuffinnit, peqatigiiffinnit il.il. meeqqat atugaannik suliaqartunit inassuteqartoqarneratigut Meeqqat pillugit Siunnersuisoqatigiinnut qinigassanngortitanik pingasunik Naalakkersuisut toqqaassapput.

Imm. 2. Pisortatigut oqartussanit aamma pisortat namminersortullu meeqqanut paaqqinnittarfiannit inassuteqartoqarneratigut Meeqqat pillugit Siunnersuisoqatigiinnut qinigassanngortitanik pingasunik Naalakkersuisut toqqaassapput.

Tigulaagaq:

## **Meeqqat pillugit Siunnersuisoqatigiinnut ilaasortassat inassutigineqarneri toqqaarneqarnerilu pillugit Namminersorlutik Oqartussat nalunaarutaat nr. 11, 30 juli 2012-imeersoq**

§ 3. Pisortatut oqartussaasut, paaqqinnittarfiit pisortanit namminersortunillu pigineqartut aamma kattuffiit peqatigiiffiillu inassutigineqarsinnaatitaasut allattorsimaffiannik Naalakkersuisut tamanut saqqummiissapput. Allattorsimaffik allaffissornikkut oqartussaasumut allamut naammagittaalliuutigineqarsinnaanngilaq.

Imm.2. Allattorsimaffik, naleqq. imm. 1 Meeqqat pillugit Siunnersuisoqatigiinnut ilaasortanik toqqaasoqartinnagu tamanut saqqummiunneqassaaq naleqq. Inatsisartut inatsisaat Meeqqat Illersuisuat aamma Meeqqat pillugit Siunnersuisoqatigiit pillugit.

Meeqqat Siunnersuisoqatigiiffianni ilaasortas-  
satut inassutigisaq

***Inassutigineqartoq pillugu paasissutissat***

Ateq:	
Najugaqarfik:	
Oqarasuaatip nr.-a:	
E-mailadressi:	
Ulloq inuuffik:	

***Innersuussuteqartut pillugit paasissutissaq***

Taaguut:	
Najugaqarfik:	
Oqarasuaatip nr.-a:	
E-mailadressi:	

***Innersuussutigineqartup ilinniagai massakkullu atorfigisaa:***

***Siusinnerusukkut attuumassusilimmik suliffigisimasat :***

***Paasissutissat allat innersuussinermut soqutiginaateqarsinnaasut:***

***Meeqqat Siunnersueqatigiiffianni ilaasortaaarusunnermut toq-qammaviit anguniakkallu:***